



令集解

十一

73
2509
12

内
六
百
日
記
書





令集解卷第十一

內一〇四二九號

凡國守每年一巡行屬郡

穴云本令云州刺史每年一巡行屬縣无守者介巡

行也賊盜律終條有證文也掾不合巡行也但勸課

田農進降老者依次官以上能不耳國今師掾目雖不

言上馳驛令發進朱云若无守者介巡行耳不及掾

以下何者介職掌云掌同守者又賊盜律部內盜發

條云宜風導俗肅清所部者長官之事也故以長官

為首即國守郡領闕者以次官當之故者但於中下

國雖无守掾目不可巡行者問大宰帥可巡行攝九

守每年一巡行屬郡者若无守者介合巡行何者職

掌同長官之事賊律部內有一人為盜及容止盜者

里長管州三人加一等郡內一人答廿四人加一等

國隨所管郡多少通計為罪注云以長官為首佐職

為從跡云但宜風導俗肅清所部者長官之事故以

令集解卷第十一

長官為首即國守郡領闕者以次官當之故也跡記云長官次官並闕者馳驛言言上馳驛發遣即知掾以下不可巡行也或云長官次官并无者掾可巡行也何者考課令進掾以上考故劣穴案掾以下不合也但依次官以上能不為昇降耳私案但中國守闕者掾可巡行何者不馳驛故也屬郡者附之郡也案闕律所紆屬官毆傷官長注云若省管寮國管郡之類又考課令當司長官考其屬官又斷獄律鞠獄官囚徒役在他所者條疎云即擅移囚郡各附隸別國者即受囚之郡申所屬之國轉牒送囚之國依法推效者依此等文國稱郡曰屬郡也郡稱風俗釋國曰所屬國然則稱附之郡於事无妨也觀風俗釋風俗釋見職員令穴云晉書云風俗謂百姓土風土俗剛柔緩急是其宜風導俗肅清所部長官之事故加教風而宜導彼風俗也占記云觀風俗謂官員令具說訖也朱云風俗或說晉書文或云劉子文者未明或云案无別但於行事異耳此條風俗與職員令風俗義同行事異也讚案觀風俗者劉子風俗篇云

風氣也俗習也土地水泉氣有緩急聲有高下謂之風也人居此地習以成性謂之俗焉越之東有駭沐之國其大父死則負其大母而棄之曰鬼妻不可與居其元子生則解而食謂其宜弟楚之南有啖人之國其親戚死則朽其肉而後埋其骨謂之為孝也風有厚薄俗有淳澆明王之化當移風使之雅易俗使之正是以上之所化亦謂為風民習而行亦謂為俗也言百姓土風土俗有剛柔緩急是其宜風導俗肅清所部長官之事故加教問百年錄囚徒理冤枉風教俗而宜導彼俗風也問百年錄囚徒理冤枉謂問百年者問其安不也錄囚徒者省錄之知其情狀有冤滯與不也理冤枉者理治也冤屈也枉曲也此言囚徒之外別被抑屈假如財物訐訟及良賤相爭之類判斷達理也釋云問百年問存不并風俗或云問有德百年不問風俗古事等穴云問謂問安不也按百年九十以下非也令釋云因觀風俗問百年謂能察政刑得失兼知百姓患苦耳跡記云問百年謂

尊恤百年以上人等問風俗古事等未知此等說得
不若師意問存問之心耳餘如令釋也今私思此守
職掌也不必因觀風俗耳或云問百年謂不限男女
貧富皆問朱云問百年謂女亦同者未知家人奴婢
百年以上何謂案問百年者謂問存不并風俗也或
云問有德百年不問凡百年也疑不問跡云尊恤
百年以上人并問風俗古事也跡云錄囚徒謂當巡
行之日見囚散禁以上見囚此為附考注其數多少
耳但前日已決放訖者非也或云錄囚徒謂勘錄解
青朱云問錄囚徒未知徒去年春始至今年春決罰
囚等不勘其出入察政刑得失色也先人答然者穴云
色也私案可入察政刑得失色也先人答然者穴云
囚謂見囚謂見囚散禁以上其答罪亦同為附考故
私案先決放了者不追求錄跡同也仍只依下文知
失不耳附考謂獄訟繁為郡領不是古記云錄囚徒
謂知罪人數附郡司考讚案錄囚徒者當巡行之日
見囚散禁以上為附考狀注其數耳穴云答罪亦同
為附考也但先決放訖者不注也穴案決放先訖者

合約下察政刑得失之句釋云理冤枉理正也治也
冤屈也音於袁反枉曲也音紆往反跡云理冤枉理
見禁人并私訟財物人等理有屈滯者合治正也
緘大刑者穴云冤枉訟財物人等理有屈滯者合治正也
禁見人并私訟財物人等理有屈滯者合治正也古
記云理冤枉謂即囚徒冤枉耳漢官典職儀云理冤
獄以六條讚云理冤枉者理詳察政刑得失知百姓
正也治也冤屈也枉曲也詳察政刑得失知百姓
所患苦謂政政教也刑刑罰也假如差科賦役違法
也知百姓所患苦者冤枉之外有所患苦假如為河
伯娶婦女之類是患苦也釋云詳察政刑得失政
教也刑刑罰也古記云政刑謂政事謂之政也刑罰
謂之刑也跡云察政刑得失謂勘覆前案知得失耳
穴云刑得失謂答罪郡決杖以上郡斷定送國也問
杖以上因郡斷定送國獄令有文未知送身歟為當
逆斷罪歟若送身者已送了者入何句矣答且可讀
入見刑得失之句何者已送了者入何句矣答且可讀

政刑者三事也行政之得不行之失耳附考謂獄斷
 繁為郡領不是但以本案及罪人辨狀勘以知枉訟
 也假雖官案覆了覆因使申覆義耳釋云知百姓所
 患苦謂因觀風俗問百年而能察政刑得失無不知
 百姓患耳史記曰西門豹為鄴令豹到鄴會長老問
 民之所疾苦長老曰鄴三老廷掾常歲頭飲百姓收
 取其錢數百萬為河伯取婦當其時巫行視小家居
 者云是當為伯婦娶取洗沐之如嫁女牀席令女居
 其上浮之河中始浮行數十里乃沒其人家有好女
 者恐大巫祝為河伯取之以故多持女逃亡後豹曰
 至為河伯取婦時願三老巫祝父老送女河上幸來
 告語之至其時豹往河上呼河伯婦來曰是女子不
 好煩大巫嫗為入報河伯得更求好女後日送之即
 使人抱巫嫗投河中豹有頃曰巫嫗不來復欲廷掾
 與豪長一人趣之皆叩頭血流地後不敢言為河伯
 取婦豹即發民鑿渠十二引灌民田皆渠既至今皆
 得水利也註亦記取此別文百姓所苦朱云百姓患苦謂假令對
 百年人同風俗知百姓所苦朱云百姓患苦謂假令對

年而外問知人所苦之政等耳穴云患苦謂冤枉之
 外觸類多端當時差科等之類也跡記云知百姓患
 者對百年人所苦之政等耳讚案詳察政刑得失知百
 姓所患者謂政教也刑罰也古說政謂政事也
 謂因觀風俗問百年而能察政刑得失兼知百姓患
 苦耳言覆勘前案及依罪人辨狀而知政刑得失及
 對百年而問風俗而知百姓患苦耳假如雖官案覆
 了覆因使更申覆義耳或云問百年謂是問安不也
 知百姓所患苦者問百年之外問知民所苦政耳問
 上理冤枉與此知所患苦何別答上云冤枉者枉禁
 枉斷及詐訟財物等被抑屈者合理正之類此云患
 苦者冤枉之外觸類可有假令當時差使敦喻五教
 之類於民為愁耳史記云云在令釋乃畧敦喻五教
 勸務農功謂五教者五常之教則父義母慈兄友弟
 恭子孝是也勸務農功者文稱農功故知
 巡行必以春時史傳所謂太守行春勸人農桑是也
 釋云五教尚書舜典云慎徽五典克從孔安國注云

徽美也五典五常之教父義母慈兄友弟恭子孝也
 舜慎美篤行斯道舉八元使布之于四方五教能從
 无違命也神淵或云喻五教謂不必每人語爾立制
 垂法人自學耳讚云敦喻五教者謂孔安國注尚書
 曰五常之教父義母慈兄友弟恭子孝也五教與五
 常之教文異義同論語皇侃疏云五常謂仁義禮智
 信也就五行論人稟此五氣而生則備有仁義禮智
 信也釋名曰德者得也得事宜也人有博愛之德謂
 之仁有嚴斷之德為義有明辨尊卑敬讓之德為禮
 有言不虛妄之德為信有照了之德為智是五常之
 道不可變革也朱云農功一事也讚云勸務農功者
 謂令勸勤百姓能刺耳釋云以春時巡行為勸務農
 功故也跡云巡行時不見文然為催農以春時巡行
 耳穴云巡行以春時晉書之文稱春時也仍知去年
 荒熟兼知當年產業耳但知荒熟就考臨檢田之得
 損知耳私案依去年荒熟者去年考昇降了之更不
 可追求此條只論巡行當時耳下說了讚云問何時
 可巡行答以春時可巡行何者合勸務農功故也穴

記云以春時可巡部內有好學篤道孝悌忠信謂好

行事見晉書也秀才明經等類篤道者兼行孝悌仁義等道何者摠
 而言之謂之道別而名之即謂之孝悌仁義禮忠
 信故然則孝悌仁義既人篤道而更下文舉孝悌忠
 信故蓋一存身之謂矣凡此四者人之高行故舉
 為稱首也釋云好學謂通二經以上者篤道謂通二
 經者心篤聖道耽味忘疲者也雖曰好學其志頑靡
 縱有大才何用薦舉故好學篤道必合相須或云孝
 悌仁義忠信摠名稱道然則不必好通也何者選叙
 令秀才明經等被孝悌表顯者更加階叙故跡云好
 學謂通二經以上人方正清脩而非學生而發聞鄉
 閭但學生依選叙令舉耳篤道謂雖不通經而仁義
 禮智信之道具俱自孝以下雖非具五孝而二名顯
 聞者亦合進穴云篤道謂身存五教人不必學習所得假
 家也篤道謂存行五教是但此人不必學習所得假
 顏淵自然不待寤而悟人也朱云問好學篤道必相
 須不或云不相須也好學謂通二經以上人之方正

清脩有清廉德行何者職制律云非其人謂德行乖僻不如舉狀者又注云若德行無聞妄相推薦者一人杖六十故又選叙令云其秀才明經得上中以上蔭及孝悌被表顯者加本蔭本第一階叙者既別更加階叙也明知不可相須者何答然也又問稱篤道者何色或云篤道謂篤於五常道也孝悌仁義忠信六德稱道也而文更稱孝悌忠信者雖合一色為舉所云然則事委曲之耳者何答然也問未知通二經以上試知實舉哉何答試得第時乃舉又問此人依律各貢人哉先云此亦同可稱貢人者古記云好學篤道謂通二經以上者行異於他人假令繫髮積雪穿壁刺股之類論語哀公問弟子孰為好學孔子對曰有顏回者好學不遷怒不貳過不幸短命死矣今也則亡未聞好學者也子夏曰日知其所亡月无忘其所能可謂好學也已矣孔安國曰日知其所未聞也子夏曰博學而篤志孔安國曰廣學而厚識之也一云好學謂通二經以上者論語子曰君子食无求飽居无求安敏於事而慎於言就有道而正焉可

謂好學也已矣孔安國曰敏疾也有道有學者正謂問事是非也篤道謂上云五教是也讀案好學篤道者好學謂通二經以上者篤道謂通二經者心篤聖道耽味忘疲者也雖曰好學其志頑囂縱有大才何用薦舉故好學篤道必須相須或云孝悌仁義禮忠信摠名稱道然則篤於孝悌仁義之道者也與好學不相須是故選叙令云秀才明經等被孝悌表顯者更加本蔭本第一階也孝經注孔安國曰摠而言之謂之道別而名之則謂之孝悌仁義禮忠信也並記好學謂通二經以上之人方正清修各行相制也篤道謂雖不通經而仁義禮智信之道自備其身者也其孝悌以下雖非備五教但二名顯聞者合舉也或說好學者雖不篤道而其情方正清脩各行相制者即可舉進何者孝悌忠信人等雖无好學而猶舉進之今在五教人依无好學不舉進者甚不例故也穴云案篤道謂自存行五教人也不必學而得假如顏淵不待諭而悟之類私家相須之說多難也釋云孝悌忠信人之高行故舉為稱首若有履行仁義終

始不渝如此之健亦宜舉進跡云有仁義名聞之者
比孝悌亦合進也穴云跡記云聞仁義名者比孝悌
亦合進列今師不依後定好事君曰忠孝經曰忠臣
下高行是問孝悌忠信唯有一事者貢舉哉為當孝
與悌相須又忠與信相須舉歟答若有槩其中一一
在者貢耳跡記云孝悌以下二名顯乃可舉未知是
非師不依跡云師同之古記云孝悌事父母謂之孝
事兄謂之悌也論語曰孝悌者其為仁之本歟先能
事父兄然後仁可成也弟子入則孝出則悌忠信孝
經子曰君子事親孝故忠可移於君注云能孝於親
則必能忠於君求忠臣必於孝子之門也論語曾子
曰吾日三省吾身為人謀而不忠乎與朋友交而不
信乎傳不習乎子夏曰與朋友交言而有信者行之
基行者人之本也人非行无以成行非信无以立故
行於人譬濟之須舟信之於行猶舟之待楫行也子
曰十室之邑必有忠信如丘者焉不如丘之好學者
也子張問曰令尹子文三仕為令尹无喜色三已之
无愠色舊令尹之政必以告新令尹何如子曰忠矣

尾生梁下期果謂之信也讚云孝悌忠信謂孝忠信
人之高行故舉悌為稱首也孝悌者如曾參之孝也
假耘瓜園草莠絕瓜根父持大杖打終不走後入室
彈琴也此若殺子者又依殺子陷不義也此不存篤
孝也舜受小杖大杖終走是篤孝也若有履行仁義
終始不渝如此之徒亦宜舉進也前信謂論語子貢
曰與朋友交清白異行謂不濁為清不緇為白假如
言有信是也清白異行會參耕魯魯君致邑固辭不
受之類此行過厚異於人倫故云異行也釋云不濁
為清不緇為白假如會參弊衣耕魯魯君致邑固辭
不受之類此行過厚異於人倫故云異行或云後漢
書曰卓茂字子康南陽宛人也習詩博禮性寬仁人
皆受慕稱為長者當出行有人認其馬茂知其謬點
解與之輓車而去他日馬主得亡者詣茂叩頭謝之
茂後遷密令視人如子舉善而教口无惡言平帝時
天下大蝗河南世餘部皆被其災獨不入密界是異
行也講亦說此別姑又考課令殊功異行者則知異行
為一色也古記云清白除廣晉記曰中宗令曰大常

今集解 卷七 六

賀循冰清玉潔行為俗表孤近造其廬屋室服物周
身而已賜循牀褥錢廿萬論語曰崔子弑齊君陳文
子有馬十乘棄而違之何如子曰清矣異行後漢書
云云見釋合諸家之記文異行者承上諸事者既為
不通又考課令異行文在彼此不合異說跡云清自
與異行二事也朱云異行者考課令所說異行也然
則令釋後說耳穴云異行謂考課令釋卓茂宰密
行善避蝗之類所謂異行也不依此條令釋曾參弊
衣耕魯魯君致邑固辭不受之類此行過厚異於人
倫故云異行之說讚案清白異行者不濁云云或云
後漢書云孝悌二忠信二也事君有忠交朋友有信幾
事或云孝悌二忠信二也事君有忠交朋友有信幾
何答事色然也但待二色奉耳歟抑可見本文又問
在村里何知有此行哉讚案問好學以下異行以上
幾事答於好學篤道相待之說士事也劣於不相須
之說八事也長好學一篤道一孝一悌一忠一信一
清白一異行一也跡云孝悌以下二名顯聞乃舉進
也就此云六事也私案孝悌忠信總四事也但二事

相須可貢舉耳問孝悌忠檢其實一也舉孝一色自
知有忠而何累稱孝悌忠信邪又在村里而何知有
忠乎答子細舉事色耳發聞於鄉閭者猶鄉也戶令
又待發舉得忠各耳國與稱鄉義別者穴云田令國郡
縣內所部受田
悉足者為寬鄉不足者為狹鄉又戶令云戶居狹鄉
有樂遷就寬不出國界當國處分若出國界者申官
待報者然則鄉者國及郡耳閭者猶里也讚云發聞
於鄉閭者謂發見也依周禮方二千五百家為鄉五
家為比五比為閭者於此合國鄉為鄉何者田令云
狹鄉田不足者聽寬鄉遙受又云國郡縣內所部受
田悉足者為寬鄉不足者為狹鄉戶令云戶居狹鄉
有樂遷就寬不出國界當國處分若出國界者申官
待報者案此令用鄉字通國郡故也但儀制令集鄉
之老者又廐牧令軍團官馬本主欲於鄉里側近十
里內調習者聽者案之閭里亦可稱鄉也村里稱閭
何者賦役令孝子順孫等志行聞於國舉而進之謂
郡者中太政官奏聞表其門閭者故

送其身非唯申奏事狀而已何者依律德行乖僻不
如舉狀者即知須有以德行被貢舉者也釋云賦役
令亦有此事彼為申奏并免課役此為貢其身也但
其身者與學生共隨朝集使赴集耳跡云舉而進之
謂猶進言此進人正身問賦役令與此條別何答此
條附朝集進正身云但納行事彼令可使習耳節婦
勘兩條申上各而已也先舉也宋云順孫者比孝子
可舉其正身者問孝悌條下條免課役舉未知清白
異行等色為何舉哉先人云武戈无試叙之法也雖
然猶舉然則忠信清白異行猶舉耳叙位任官不見
文臨時處分耳者又或云有量景迹銓擬人也於此
任官者未知凡舉武才依何文可知若依職制律初
條知歟為當選叙令帳內資人才堪文武貢人者亦
聽貢舉者依此知歟何穴云舉而進謂見進其身也
依考課令放貢人隨朝集使赴集耳問此條稱孝子
與賦役令所條何別答賦役令為課役生文此條為
舉身生文但義大節婦進而无用不合舉進止依彼
條申官免課役耳順孫一同孝子仍舉耳謂今依講案

舉而進之謂與學生共隨朝集使赴集耳問考課令
云貢人皆木部長官貢送太政官其人隨朝集使赴
集其大學舉人具狀申太政官與諸國貢人同試者
未知與此條人何別答彼令為貢學生立文此條除
學生外發聞者耳問賦役令云孝子順孫義夫節婦
志行聞於國郡者申太政官奏聞表其門閭同籍悉
免課役今此云孝悌忠信清白異行等舉而進之未
知二條之別答彼令為免課役隨發聞時言上奏聞
不進其身也斯令為貢其身立文耳問孝悌忠信清
自異行等為何舉哉答武戈雖无試叙之法而猶舉
之孝悌以下人其行勝於凡庶故舉耳穴案順孫同
孝子舉也義夫節婦不舉也舉而无益故也但依賦
役令言上而不孝悌悖禮亂常不率法令謂悖逆
免課役耳者紊亂五常之教也不率法令者率循也不遵律令
格式也釋云悖逆也見鄭玄禮記注音薄背反亂常
謂紊亂五常之教者也古記云悖禮孝經子曰不愛
其親而愛他人者謂之悖德不敬其親而敬他人謂

之悖禮注云盡愛敬之道以事其親然後施之於人
 孝之本也違是道則悖亂德禮亂常謂上云五常之
 教反亂也跡云不孝悖而悖禮謂如孝經解又不孝
 悖而亂常謂亂五常教耳朱云悖禮亂常其別何或
 云其大旨一也但細言少異耳何者亂君臣貴賤之
 禮稱悖禮也亂常謂亂五常之教者何答然也或云
 問悖禮亂常其別何答悖禮者賤避貴之類但未明
 亂常者亂五常教跡云不孝悖也或云不孝悖悖禮亂常
 言者少別也父不義母不慈兄不友弟不恭子不孝
 是亂常耳是摠云不孝悖也或云不孝悖悖禮亂常
 總一事何者無孝悖者自然悖禮亂常故註讚案
 不孝悖者謂違五常之教是總曰不孝悖也悖禮亂
 常者謂不孝悖而亂五常之教也父不義母不慈兄
 不友弟不恭子不孝是也亂常耳悖禮亂常悖者逆
 也私家悖禮者謂違進退敬讓及事死生之禮也
 亂常者謂違五常之教也禮教雖一分為別名耳
 經家可問古答云孝經所謂不愛其親而愛他人及不
 敬其親而敬他人謂之悖禮也違五常教謂之亂常

也跡同之也長釋云不率法令爾雅率循也音所律
 反穴云不率法令一事然則不孝悖而悖禮亂常不
 率法令者總二事也跡云不率法令亦是一事也朱
 云問不率法令者一端何或云法者理也教理則各
 令也凡違律令耳格式亦同假陵戶官戶家人公私
 奴婢皆當色為婚者而異色相婚者糾改之類者何
 答然者讚云不率法令者猶不者糾而繩之釋云糾
 從法也此糾廣雅曰率循也者糾而繩之謂加
 居勦反廣雅繩直也音食陵反跡云糾而繩之謂加
 罰教正而成其善人或云禮其非禮使適繩直之道
 也註釋讚云糾而繩之者糾正也繩直其郡境內田
 疇關曰疇地疇也音直由反關開也或云疇類者久
 留地疇者疇疇也音直由反關開也或云疇類者久
 地疇說文疇田塲也一云種稻謂之田疇麻謂之疇
 也劉炫等云田中之高地種菰豆之地讚云田疇關
 者猶言田也戶律云部內田疇荒蕪者以十分論一

分答卅注云稱疇者言田之疇類或云疇地畔是也
杜預注左傳曰并畔為疇也劉炫等云田中之高地
種菘豆產業脩種苗子等可知者未明又反云去年
所作產業以今年春巡行可知耳者讚云問田疇關
與產業脩何別答產業者是廣兼之辭假雖田疇關
而可有產業不脩禮教設者預見其部內人之行知
之事故云然耳禮教設者預見其部內人之行知
歟先云見人體禮可知者何讚云禮教者上所謂五
常之教耳私案禮者事死及生禮也教者五常之教
耳後案如上古答者能愛已親能敬已親
謂之設禮也能行五常教謂之設教也
制及號令之事也古記云禁令法一種謂律令格式
耳跡云禁令行謂立禁制并示教令也朱云問禮教
設禁令行者幾事或云三事者何答隨上文讚定可
定事數又問行事何或云上文所云之禮教法令如
埋脩行者何讚案禁令者上所謂法令也長者為郡領之
也跡記云能立禁制并能示教令也長者為郡領之

能入其境人窮匱

朱云鄭玄注禮記曰匱亦乏也音
達位反此讚取或云問人窮匱者

人之去散无歟君身貧窮歟何難
龍朱云人窮匱者身之貧乏耳
農事荒 讚云人窮
者謂對田疇關產 紆盜起 古記云紆謂詐詭之類穴
業脩二句之辭耳 紆盜起 古記云紆謂詐詭之類穴
舍屋而盜者計所燒滅價併賊以強盜論注云賊人
紆詐千端万緒之志耳或云紆盜一事紆字懸盜又
紆女繁者同約紆字註穴或云問紆盜答紆者欺也
然則紆盜二耳但紆女者約上文耳穴答紆盜一也
問紆盜起者不得財註穴讚云紆盜者猶言盜也非
紆與盜二事賊盜律故燒人舍屋及積聚之物而盜
者計所燒滅價併賊以強盜論注云賊人紆獄訟繁
詐千端万緒之志耳或云紆者紆詐已誌之
謂爭罪曰獄爭財曰訟讚云古記云獄訟上音虛錄反下音似
獄爭財曰訟讚云古記云獄訟上音虛錄反下音似
從反周禮凡万民有獄訟者聽而斷之鄭玄曰爭罪
曰獄爭財曰訟周易不親論語未見能見其過而內

自訟者也包氏曰訟猶責也左氏傳訟周公于晉杜預曰訟理之也訟文爭也一曰歌訟野王家歌贊之訟令為頌字在頁部也繁者謂比於他郡益多跡云獄訟繁謂斷決雖無失而比於他郡多者依不肅清所部降考耳穴云獄訟繁謂與肅清所部之郡相比知耳似禁令行者為郡領之能比彼郡此郡繁耳此條皆摠云巡行曰事也尋常事考課令云訖也讚云獄訟繁謂雖斷決無失而比他郡肅清郡也特繁耳假上文云禁令行者為郡領者為郡領之不為郡之能者比如斯郡知其繁耳領之能不謂少領以上也主政以下不依能不主昇貶考也依罪貶考也郡領者依能不昇降亦依罪貶考者未知主政以下不預能不理何或云考課令云國郡司撫育有方戶口增益者各准見戶為十分論加一分國郡司各進考一等者注云掾及少領以上者然則少領以上預功例依此文可知者何答然也但而依事色可稱也假部內奸盜繁者依賊盜律終條主帳以上皆可坐故者或云戶令郡領以下官人

數加巡察者案只稱郡領者廣郡司皆約者何更稱以下字是以知只稱郡領者少領以上乎註背穴云問能不二併者何答二注而至考時定耳讚云問云為郡領之不者未知主政以下有依能不昇降哉答私案主政以下不預此條能不也穴若郡司謂主帳云無依能不昇降但有依罪降耳若郡司謂主帳以上論少領以上之能不此說主帳已上之善惡也朱云郡司謂主帳以上也何者選叙令云郡司取性識清廉堪時務者為大領少領強幹聰敏工盡計者為主政主帳又條云叙郡司軍團皆以上考為限又考課令云國司每年量郡司行能功過立四等考第者此并主帳以上皆約故又田令云郡司職分田大領六町少領四町主政主帳各二町在官公廉釋云者未明或云郡司謂主帳以上註背在官公廉也廉清也穴云公廉者韓非曰背私為公也跡云私案公廉謂若仰人在公平臨財清廉也讚云公廉謂公平廉也跡云案所行每事在公不及私計謂云臨財亦清廉也韓非曰背私為公也不及私計謂云

心欲達身聞名而有公平之心也讚云不及私計正謂不緣私事也假如無心欲達身求名之類也

色直節 謂正顏色直節操也釋別占記云正色直節

節亦直耳每事無違謂之節也假令歌舞不失是亦得節耳一云正色者不顏面也直節者行事不曲法

語異理同也跡云自私計以上是行事也正色直節是心性也直節謂心性真也穴云直節節操也孝經

脩宮商變節隨角徵改操述義云節操志是也讚云正色直節謂正顏色而直節操也私案對下諂諛

求名之句也孝不飾名譽者必謹而察之朱云問必

經云見穴云記不飾名譽者必謹而察之朱云問必

志句或云細見其景迹實錄此稱謹其情在貪穢諂而察者何咎然也謹者猶玄細者

諛求名 釋云諂諛何休注公羊傳曰諂猶諛也音牟朱反跡云諂諛求名謂以無實之行事規欲

達已身假令無實附帳中增戶口之類穴云私案諂諛求名謂假考課令云官人緣如戶口及勸課田農

並因餘功進考者後事若不實皆從追改有人諂諛如此之等類耳其求得撫育有方之名耳讚云諂諛

求名謂何休注公羊傳曰諂倭也尚書孔安國注云諂諛也考課令云官人因加戶口及勸田農并緣餘

功進考者於後事若不實縱經公節跡云公節謂直

思降其考皆從追改一端是耳公節心而行事亦直

耳無聞私門日益者朱云問或云其情在貪穢以下

事則名景迹惡何咎然也又問私門日益志何咎依貪穢私門日益耳也但雖不益尚為惡耳讚云案諂

諛求名以下私門日益以上并對於上亦謹而察之在官公廉以下不飾名譽以上之辭也

其政績能不謂自田疇關至禁令行是能也自人窮

自田疇關至禁令行是謂能自人窮置至獄訟繁是謂不穴云今師說云績業也田疇關產業脩此績之

能也政者政教也禮教設禁令行此政之能也不亦就此心案知少不案可檢古記云政績功謂績也讚

云政績能不謂爾雅績及景迹善惡謂自在官公廉
 業也功也餘與釋无別謂自在官公廉
 善也自其情在貪穢至私門日益是惡也釋云景迹
 釋見考課令自在官公廉至不飾名譽是謂善自情
 在貪穢至私門日益是謂惡也古記云景迹善惡謂
 爾雅景大也謂人所履行善惡大迹耳餘與釋无別
 皆錄入考狀以為褒貶跡云凡禮教設禁令行并奸
 依考課令量行能功過而隨降狀耳內未入四等考
 何但勘當明審之人居上第段更依不肅清而降耳
 朱云皆錄入考狀以為褒貶者未知何或云考課令
 云國司每年量郡司行能功過立四等考第者然則
 依此條定上中下下下科褒貶耳又若增減足一分
 二分者依戶口增益之條亦更褒貶又依律科罪則
 計負殿亦重貶也然則於過三度可貶考者何穴云
 錄囚徒及政績能不景迹善惡等並去年八月以後
 是也自春至秋七月者其放考課令也知去年行事
 附後年考由何私答依荒熟昇降者只論去今兩年

荒熟問知田疇荒不者并為附考未知以春時知其
 損益今此條為知肅清豐儉衰弊等見遠古之荒廢
 熟盛雖不滿分而尚以定能不也問戶口田農等增
 益者作分法昇降未知是條能不善惡昇降何答依
 考課令量行能功過一度定四等耳非先定而後昇
 降今師說云依不肅清事等一度定也但依田農事
 者別昇降耳跡記云禮教設禁令行并奸盜起獄訟
 繁等之事明不見降狀依考課令量行能功過而隨
 狀降耳但勘當明審之類居上第更改依不肅清降
 耳與上云少異也阿讚云皆錄入考狀以為褒貶謂
 依考課令年終量一年功過行能為黜陟耳問依田
 疇開并農事荒昇降之文見考課令未知依禮教設
 禁令行并奸盜起獄訟繁等褒貶之事答年終依考
 課令量行能功過可昇降耳假如勘當明審之人先
 居上等後依不肅清更改降耳穴案量行能功過一
 度定先第先定而後不昇降也問所以知田疇關并
 農事荒者并為附考未知春時巡行知去年行事附
 後年考如何答穴案此只論去今兩年荒熟知其損

益而已然此條為知肅清豐儉等見往年荒熟盛衰
 等縱不滿分巡檢定能不耳此合云巡行之日
 行事尋常之事也謂害政及抑屈之類是
 可放考課令也即事有侵害也言害政等事若應解
 任者隨卽解却不待考時古記云卽有侵害謂害政
 及有所抑屈也跡云上錄囚徒謂為附考而注此害
 考云當時推決耳朱云事有侵害謂官當以上何者
 稱不可待至考者隨事糾推故者或云侵害謂答罪
 以上何者戶婚律云在官侵奪私園圍者一段以上
 答冊者又獄令云事有切害者不在此倒者注云切
 害謂殺人賊盜逃亡若強奸良人及有急速之類者
 又各例共犯條云侵謂盜竊財物者未知此等稱侵
 害哉何貞不同但或云此古今時事者傳聞物同或
 云問侵害答官當已上兩先云侵害謂依侵害之罪
 者答罪以上也不依侵害之罪者官當以上入侵害
 者此貞不合私亦不同也詐穴云侵害謂答以上
 是又上文諂諛求名等皆先論考事了乃論罪耳知

非謂上文先罪耳假考課令云經恩降不在私負殿
 附帳限注又有徒以上准殿降之文心或云官當以
 上兩說未定跡記云侵害者云當時推決耳案之說
 推決之然則與上答以上之說同也讚云卽事有侵
 害謂害政及抑屈之類當明可推決之色皆是也穴
 案侵害謂犯答以上皆是者案文先論諂諛求名
 者等注考狀褒貶之事說後乃論罪事故也但非上
 文全无罪假考課令云經恩降私負殿不在附限注
 云本犯私罪斷徒以上准殿降之心耳古說稱官當
 以上者非也又云詐偽律為人犯害附釋及跡云害
 謂奪者是卽同意也精阿古答侵害者害政抑屈私
 案上文所謂錄囚徒及政績能不景迹善惡等者并
 是去年八月以後巡行日以前見囚及能不善惡也
 其巡行以後七月卅日以前之事具放考課令耳
 不可待至考者隨事糾推
 凡國郡司須向所部檢校者不得受百姓迎送妨廢

產業及受供給謂國司向所部有所檢校郡司里長
 上皆於當所承而過之即郡司入郡里長百姓亦
 依此例也供給者百姓供給也依律受供饋者勿論
 今此令緣向所部特立條禁縱不至煩擾不得輒受
 供給釋云不得受百姓迎送謂國司巡所郡者郡司
 候當郡院郡司巡部內者里長候當里不得向境也
 受供給謂百姓供給也職制律云受供饋者勿論者
 今此條為向所部檢校禁制故雖不至煩不可受或
 云因受迎送而煩擾百姓妨廢產業詳釋跡云不得
 受謂全不聽受但不依檢校供給者依職制律不在
 禁之限也朱云受供未受魚禽之類何或云不
 制先云供給者此尤食物也不可受者私同問不檢
 校未知何或云問上條與此條行事何別答上條長
 官每年行事此條臨時不限事之大小有可檢校耳
 雖或云問不妨廢產業有受迎送者何答有受迎
 送者何不妨哉穴答郡司可迎百姓不迎又鳥魚之
 類受无妨未明詳在跡云非依檢

校供給者依職制律不禁限令釋云國司巡者郡司
 候當郡院郡司巡者里長候當里不得向境又受供
 饋者依律勿論但此條為因檢校不許耳穴太云文
 稱百姓然則郡司里長向境者不在禁限此師不暇古
 記云須向所部檢校者謂預雜政事巡行也不得受
 百姓迎送謂國司巡部內郡司待當郡院郡司巡部
 內里長待當里內不得率百姓向境待及送過界但
 從境始須檢校者隨便迎送耳公使亦同也受給謂
 受供給也案職制律監臨之官強取諸鹿之類者依
 強取監臨財物法乞取者坐贓論受供饋者勿論費
 亦准此字書云供饋者謂備食也依律雖受聽致令
 依令以供給經日時宴樂百姓不合致令煩擾致令
 煩擾

凡陵戶官戶家人公私奴婢皆當色為婚謂凡此五
 婚即異色相娶者律无罪各并當違令既乖本色亦
 合正之若異色相娶所生男女即知情者自合從重

其官戶陵戶家人是此三色者官戶為輕二色為重亦公賤為輕私賤為重但陵戶家人相婚所生者從母為定釋云當色為婚官戶家人相通嫁娶是謂當色公賤奴婢亦同也一云雜戶與良人為婚聽但陵戶不聽若與良人為夫妻所生男女者不限知情不知情皆從陵戶為不在奴婢故但與家人奴婢為夫妻所生者與良人同耳一云良人所生男女者皆從父為姓陵戶所生男女者從父從母皆與奴婢同即知陵戶與良人為夫妻所生男女者知情者從重不知情者從輕凡諸條非當色為婚所生男女者知情者從重不知情者從輕此說為長或云陵戶與官戶婚所生男女從官戶也一云從母也古記云問官戶家人相交接得不答不得若所生男女者知情者從重不知情者從輕其官戶至七十六以上放為良故但官戶家人與公私奴婢為夫妻所生者知情者從賤不知情者亦從輕其公私奴婢相為婚者得也一云官戶家人相為婚亦得也所生者從母耳問雜戶陵戶如何為婚答雜戶與良人婚聽但陵戶不聽若與良人為夫

妻所生男女者不限知情不知情皆從陵戶為不在奴婢故但與家人奴婢為夫妻所生者與良人同耳一云良人所生男女者皆從父為姓陵戶所生男女者從父從母皆與奴婢同即知陵戶與良人為夫妻所生男女者知情者從重不知情者從輕凡諸條不在當色為婚所生男女者知情從重不知情從輕耳朱云問雜戶與陵戶為婚聽不答不聽雜戶與良人聽婚故者又云私奴婢等相婚生子者入官乎入私乎若不論公私從母乎何答然者穴云雜戶與良人相通為婚所生男女一如良人假雜戶娶良人為妻妾良人娶雜戶為妻妾也與自避本業為異也餘放先私記也令釋云官戶家人相通聽婚公私家人奴婢亦同得不知何又陵戶與官戶得相婚哉若師同令釋俱陵戶與官戶者不為官色為異色故但其所生子者就下條案耳

凡官戶奴婢每年正月本司色別各造籍二通一通

送太政官

跡云送太政官籍合送民部穴云送太政官留官為給衣糧等但臨班田日寫一通

送民部耳跡云送太政官者即須下民部為給口分由也未知依誰為實答師以說為長問何司寫送哉

答本司一通留本司有工能者色別具注
謂工者工寫耳

書筆之類也古記云有工能者工作書筆醫術等之類穴云工能謂木工鍛冶書筆驗異者即注附其籍

耳或云問色別者人之色數為當工能之色數答人之色工能之色並約文問為何注其工能答時臨可

有所用耳註穴或云上色者奴婢官戶之當色此色者才能之品色也以下工能之屬註釋朱云有工能

者色別具注者未知此才之色別數先云此亦官戶與奴婢色別者問注附籍乎若注別卷數答注附籍

凡良人及家人被壓略

謂壓者放家人奴婢為良還壓為賤者也略者不和之稱

即畧良人為奴婢之類也釋云壓鎮也音烏狎反謂放家人奴婢為良還壓為賤也畧者強取為畧也音離灼反謂畧良人為奴婢也古記云壓謂放家人奴婢為良還壓為賤也畧謂畧良人為奴婢也穴云其和誘和同相賣者科逃亡罪然則所生男女依下條從賤也戒律疏云受誘律无正文者並合從坐科罪若逃亡罪重者依例當條雖有名所為重者自從重是令釋云壓者放家人奴婢為良還壓為賤略者畧良人為奴婢者未知已放從良了而何故終文所生男女從家人若不得合心數答以家人壓為奴婢耳故其所生子還從家人私思合釋所說不合令文朱云問良人者未知雜戶陵戶何此亦從不色耳數凡於雜戶陵戶稱壓稱畧何答一端舉良人餘色充賤跡云成配奴婢釋云配匹也見爾雅音普佩反跡云奴婢也配奴婢配配偶也穴云配謂不知情知情皆是古記云配謂配隸家而生男女者後訴得免所生人奴婢色因馳使之

男女並從良人及家人古記云自相為婚所生男女者并從良人他家家人奴婢

為夫妻所生亦同問此云心答良人壓畧配奴婢為夫妻所生并從良心歟問文稱所生子未知孫玄孫

若為度分答于孫以下皆從良一端云耳

凡官奴婢年六十六以上及癯疾若被配沒令為戶

者並為官戶謂下條云家人奴婢姦主及主五等以上親所生男女各沒官又依律謀反大

逆者父子并沒官是也釋云賊盜律云謀反及大逆者父子並沒官下條云家人奴婢姦主及主親所生

男女沒官是古記云若被配沒為戶謂賊盜律謀反大逆者之父子及謀叛者并沒官令徒三年和銅四

年十月廿三日格云私鑄錢者從者沒官此等官戶也跡云家人令沒者為官戶穴云以上兩字无用也

問配役之日奴婢者為官奴婢家人者為官戶歟答可然但高年者隨文耳師同之自餘依令釋釋說也

又問八十篤疾等人犯反逆者為上請若上請免罪

者其緣坐人等皆從放免哉答為會赦被免人者名

例有免文為被上請人者不見免文可求令為戶者謂為官戶者不在定戶主戶口之事問緣坐沒官日

妻妾弃放何答可勘賊盜律疏也朱云問夫被沒官者妻何貞不決穴云可離也可見賊盜律疏者未明

問名例云八十以上十歲以下及篤疾犯反逆殺人應死者上請者未知此時財物沒官若從罪人之免

不捨取乎答然也從罪人之免不可捨取也不同赦免例者又問令為戶者并為官戶者未知令為戶之

情何答猶言為官戶也更如良人不定作戶主戶至口也本性皆可除取者或云配字屬沒也

年七十六以上並放為良謂緣坐家賤當沒入時既

為官戶如七十六以上及篤疾者亦從良人也釋云緣坐家賤沒入當時年六十六以上及癯疾者亦為官戶如年七十六以上及篤疾者自從良人耳跡云家人奴婢若配沒當時年七十六以上及癯疾者不

役而直則放賤耳穴云官戶奴婢篤疾即放為良人
 案律意讀也八十篤疾色家緣坐故云爾耳問從良
 人還本姓哉答更給別性耳家人奴婢從良之日姓
 給也古記云問私奴婢放為良者從舊主姓部未知
 官奴婢放為良若為處分答隨情量目不得高氏部
 耳朱云問一端似官奴婢為夫妻後夫七十六以上
 放為良日妻年少尚為婦任所樂處附貫穴云所樂
 何離不答云不見可求願耳或云問文云任所樂處附貫者
 未知不被樂者何答可附所在註反逆緣坐八十
 以上亦聽從良謂若甲是緣坐乙即甲奴俱是七十
 為官戶其家人者依律准奴婢例釋云假有甲是緣
 坐年六十六乙是甲奴年亦六十六依法甲為官戶
 乙同資財亦為官戶後滿十歲兩人各年滿七十六
 依令乙放從良甲為未滿八十猶為官戶或說作記
 字可正勘乙是舊奴甲是舊主主尚未免奴豈從緣
 非何者甲待八十本為反逆之類乙有何事翻從良

坐之色耶問賊盜律云反逆人之父子家人並沒官
 各例律云其奴婢者同資財不從緣坐免法者今案
 兩條家人无明文未知依緣坐待八十為當此奴婢
 至七十六從良答同奴婢待七十六從良但賊律者
 說不同資財而別生文由各例或作記可勘者為緣
 坐家口立例又諸條稱奴婢賤隸之處奴婢家人同
 律又緣坐老疾得免之徒依戶合分法應得家人故
 也古記云注反逆緣坐八十以上亦聽從良謂上云
 謀反大逆者之父子沒為官戶者須八十以上聽從
 良以外至七十六以上并放為良也穴云家人奴婢
 本主并年七十六者家人等放為良人也本
 主沒為官戶沒官之後篤疾者為從良也
 凡放家人奴婢為良及家人者仍經本屬申牒除附
 古記云放為良狀注記家長署申國郡司然後附貫
 穴云問經本屬申牒未除附之間稱良預賞等例哉
 為當猶稱賤不預哉答稱良預賞例又鬪毆傷殺之
 類一同良人但未負姓名之間尚號賤耳反可又不

申上給姓之由也貞云放家人奴婢為良日其姓所
司可定更不可奏者私案官處分可聞也臨時事故
今行事主姓隨部字申送所司耳者誑讞朱云經本
屬者未知經本部者郡轉即申國為當計帳之
時經國何答計帳時可附問未附之間尚從良人法
為當從賤法哉何答給賑給等不可同良人法者但
闕折類可同良人法者未明案无无官
犯罪條等放位記悉皆從良人法何

凡家人所生子孫相承為家人朱云子孫者未知玄
孫等之類皆同不移

案皆約穴云問兩家人何答依捕亡令從母也家人
奴婢同類故之師同私案奴婢令有正文家人无此文

案之相承為家人謂從兩家人所生從父相承為
家人是本令云部曲子不之容女子故可問他同之但

問官戶陵戶何處分答私案官戶亦同家人戶與
戶不為情從妻所生古者知情亦同官兩陵戶相生從父為

雜戶陵戶養子准皆任本主駢使唯不得盡頭駢使
良人故也師明

謂假有家人男女十八者放三四人令執家業釋云
假有家人男女十者放兩三口令產私業身古記
云不得盡頭駢使謂有一百者六十七十駢使耳假
令一家有二人者役一人免一人若有三人者二人
役一人免有五人三人役二人免老免丁少役耳問
官戶駢使之法若為答不載文然可准家人免重從
輕故一云官戶皆給公糧及賣買
衣服異於家人依別式耳

凡官戶家人公私奴婢被抄略古記云被抄畧謂沒
為蕃賊被虜掠也

在外蕃自拔得還者皆放為良古記云問文稱自援
得還者假令新羅賊

作志國人略去即奴婢經新羅王告仍新羅王送上
者若為處斷答此亦為自還耳但因使至賊地訪求

將來者緘不令若不自求訪自來願還者亦合非
從良問蝦夷賊被抄畧得還者若為處分答此亦非

抄略謂抄猶掠即強取物也假如海人漁釣被風漂
落如此之類非是抄畧也釋云乘舟捕魚被風

漂蕩如此之類是非抄畧也元記抄掠也強取物也音楚交反字書或鈔字也古記云非抄畧謂乘舟遭逆風流漂得及背主入蕃後得歸者各還官主穴云非抄畧入蕃所生亦歸官主不同化外奴婢來投也抄畧罪答律以化外奔科叛罪今一身逃者非真奔但合有別罪今案只一身逃亡入蕃元无謀叛之心耳若二人以上相謀入者從叛罪耳然今為還官主生文但罪事至律可檢耳今師云依還來而減叛罪二等科耳然則猶不脫叛罪也

凡官戶陵戶家人公私奴婢與良人為夫妻謂夫良妻賤及

夫賤妻良並是故云為夫妻若與他家人奴合所生者即須從母釋云夫良妻賤夫賤妻良并同與他家奴合所生者並從母穴云為與良人相婚生文未知官戶與陵戶所生陵戶與家人所生何答二中撰

貴賤定耳假陵戶家人知情為夫妻所生從家人之類此即依法所從不同避本業罪也令釋云夫良妻賤夫賤妻良亦同但與他家人奴合所生者并從母耳朱云問稱公私奴婢者等奴婢皆同哉先答然也所生男女不知情者從良皆離之其逃亡所生男女

皆從賤古記云問其逃亡所生子者皆從賤未知孫

文稱子也孫以下不合從此云為不通也問與他家奴婢為夫妻所生子者若為處斷答逃亡奴婢與主處奴婢合所生子並從母但與家人合所生男女者准良人皆從賤耳穴云問逃亡所生男女皆從賤未知誰逃亡也奴婢良人一同歟答良人逃亡耳師云官戶家人等逃亡耳或云逃亡所生男女者雖與良人為夫妻及其良不知情而依文猶可從賤朱云其逃亡所生男女者皆從賤者未知誰人逃亡貞云良人之逃亡者何後了度若然者奴婢等之逃亡嫁娶良人所生男女何後了度若然者奴婢等之逃亡

者良人逃亡嫁娶奴婢等生子何先云此則上文如云无別耳歟何問稱逃亡者男女同不私案无別也問皆從賤者未知不論知情不知情皆同哉私案然也又問從賤謂入奴婢之主乎何私案然也入官主耳歟何或云逃亡所生者誰逃亡答良人逃亡也官戶等者非明在

凡家人奴奸主及主五等以上親所生男女各沒官

謂若被強奸者所生男女即從良人其主及奴元不相知奸後始知者依律准犯時不知之法自合從良釋云師說云若被強奸者所生男女自從良人耳或云主及奴婢等不相知奸後始知所生男女者依律犯時不知之法合從輕從良人也古記云各沒官一說云強奸亦沒官此記文為未盡問諸條有服親准四等親未知此若為處分答此條准凡人也問主及諸親家人奴不相知奸說後始知悉所生子若為處斷答案例律云其本應重而犯時不知者依凡論本應輕者聽從本注云或有父不識子主不識奴也即

准凡人法合從良也問強奸主所生得從良者父奴若為賤使答強奸主奴即被絞罪不合更沒問未相識知奸所生子得為良父奴如何使奴答當與遠國人耳穴云問所生男女各沒官未知從主為官戶為當從奴為官奴婢歟答須從賤者與凡人為夫妻尚知心者從賤况於奸主乎但疑上文被配沒令為戶者為官戶處引此文釋檢令釋乎但師同令釋不依此說耳

凡化外奴婢自來投國者悉放為良

謂教化之所不被是為化外也投者歸也悉放為良者據无主自來者其有主者非也家人亦同也釋云法制不同是謂化外投歸也投音度侯反悉放為良謂无主自來也家人亦同隨主來者非也古記云悉放為良謂无主自來奴婢也家人亦同主自將來者非穴云來投謂慕皇化故從良若遇暴風落來者尋本意不從良合為官奴也

同朱云化外奴婢來投國者未知化之字訓何又來投者未知落投者何貞說云不放為良者未知然則

為官奴婢哉問何此可知奴婢若待自口顯稱何答然也可待知者

即附籍貫本主雖先來投國亦不得認謂認識也若

可得更認也釋云本主雖先來不得認者後來者亦不可更認也認陸法言切韻認識也音而晉反認之

物也音而震反古記云本主雖先來投國亦不得認謂雖後來投亦同也穴云問來投之奴婢有本主認

來者何答從本主耳令釋云悉放為良者謂无主自來也若有主來者非也家人亦同奴婢也本主雖先

來投國亦不得認者若後來者亦不得認者若後來者亦不可更認者二說誰為是答師同令釋之說也

若是境外之人謂亦與化外同也別釋云古記云先於

化內充賤古記云問境外之人先於化內充賤若為

類耳穴云問文云境外之人先於化內充賤未可知外

境人投化者悉充為賤意歟為當為賤為良臨時處

分歟答今師心就流來也自餘不合也或云化內人

之粗取也或云相戰被取充賤耳未定或云化內人

往化外畧得或云問若是境外之人先云化內

充賤者不知強為奴婢歟答猶出直為良耳其二

等以上親後來投化者聽贖為良古記云問聽贖為

若為處分答不得為良耳問雖等親不來賤自贖為

良聽不答夫例稱等親者賤理不可有財若有財贖

堪者亦聽一云文限二等親也三等親不合聽贖為

有近親歸功聽贖若親不來者不合聽穴云聽贖為

良其人任意見唐朱云其二等親以上後來投化者

未知先來投同不何先云可然者何聽贖為良良未

知主雖不放猶依令可令放何又聽贖為良者未知

贖為良將還已本國聽不或云贖者准奴婢直耳

凡遭水旱灾蝗謂灾蝗者釋見考課不熟之處少糧

應須賑給者謂賑贍也賦役令亦有此類彼為課役

言切韻賑贍也 國郡檢實預申太政官 釋云賦役令音識乃反也

此為賑給彼 奏聞 且賑給及奏聞數有節文占記無為免謂也

別穴云奏聞謂賑給之狀奏但官處分及多奏聞并放損田之條釋仍少者官處分耳朱云釋云一里以

上者未知一郡內一里者雖通計數所一里以上同鄉

里以上者亦同也並為異故下條亦然者何貞云不然

雖損一里以上他鄉人里相交者不可奏聞者問不

足一里者何凡稱一里者田一里數若一鄉數又一

里者口分田私田同不何

令集解卷第十一 本云 文應元年九月十九日見合本書加首書畢

蕉園石川介校字活刷

明治四年辛未八月發兌

東京

書林

須原屋茂兵衛

須原屋伊八

須原屋新兵衛

和泉屋吉兵衛

和泉屋金右衛門

岡田屋嘉七

英屋文藏

島屋平七

山城屋佐兵衛

